

元始無量度人上品妙經

度人經引

元始度人妙經演諸天之隱韻敷大梵之仙章致遠鉤深發混元之妙道顯仁藏用宰玄化之靈根三景合明五劫開化暢五文之開廓原八角之垂芒同普植於神靈共稟承於上德皇人按筆玉妃拂筵黍珠見瑞於空懸丹篆呈祥於碧落鬱勃洞煥垂蔭流精

文著龍章化行東極金母受於李老已及七傳太極赴感於仙翁遂成三序稚川再受於思遠天吏下降於真宗是經也啟閉陰陽範圍天地流行品彙為造化之樞機通究玄微作登真之梯級儲祥降祉招真召靈措寰宇於春臺囿生民於壽域玄功罔極至德無窮伏願鍔經之後帝道遐昌曆演姬周之運玄宗茂衍昭回漢之光曆劫常存與天同大是為引

持誦度人經訣

按此經典功德非常比持誦之士須先期齋戒入室嚴整衣冠燒香叩齒正心無諸雜想上下皆空然後開經端坐至誠持誦切勿輕褻務要調神正氣緩視微吟毋但口誦苟貪數遍而已此書靈寶度人妙經敬照

大明永樂二年天師府真本印刊

道眾登壇分班序立三禮後主經吟步虛

鬱鬱家國盛 濟濟經教興

天人同其願 飄眇入大乘

因心立福田 靡靡法輪升

七祖生天堂 我身白日騰

開函演奧天尊

太乙花濃滿地春
上臺香惹下臺神
洞空結實宏宣化
玄表端凝廓落因
元功湛寂至含珠
始定陰陽轉換圖
無極開張先太極
量超古今鎮閭浮

香供養 常清常靜天尊

靈章捧讀貴全真
寶獻泥丸作大賓
度縱空空無我相
人緣只結箇中人
上祝中華億萬年
品消全功降神仙
妙因拔苦難思量
經正乾坤帝道綿

道場眾等 人各恭敬

恭對道前 諷經如法

伏魔玄蘊咒

妙哉元始尊 昔於始青天

懸珠如黍米 登引十方仙

說法度天人 寶章演洞玄

三十二天帝 內名隱韻詮

三界大魔王 謠歌空洞篇

大梵隱語書 皇人按筆編

藏之紫微宮 四萬劫一傳

高真垂拯拔 世世度俗緣

五劫開化久 所度無有邊

臣今東向誦 願與天齊年

國土欣太平 亡靈得陞遷

功滿德就日 高舉飛雲輶

太上洞玄靈寶無量度人上品妙經卷上

道言昔於始青天中碧落空歌大浮黎土受

元始度人無量上品

元始天尊當說是經周迴十過以召十方始
當詣座天真大神上聖高尊妙行真人無鞅

數眾乘空而來飛雲丹霄綠輿瓊輪羽蓋垂
蔭流精玉光五色鬱勃洞煥太空七日七夜
諸天日月星宿璇璣玉衡一時停輪神風靜
默山海藏雲天無浮翳四氣朗清一國地土
山川林木緬平一等無復高下土皆作碧玉
無有異色眾真侍座

元始天尊懸座空浮五色獅子之上說經一
遍諸天大聖同時稱善是時一國男女聾病
耳皆開聰說經二遍盲者目明說經三遍暗
者能言說經四遍跛病積逮皆能起行說經

五遍久病痼疾一時復形說經六遍髮白反
黑齒落更生說經七遍老者反壯少者皆強
說經八遍婦人懷妊鳥獸含胎已生未生皆
得生成說經九遍地藏發泄金玉露形說經
十遍枯骨更生皆起成人是時一國是男是

女莫不傾心皆受護度咸得長生

道言是時

元始天尊 說經一遍

東方無極無量品至真大神無鞅之眾浮空
而至 說經二遍

南方無極無量品至真大神無缺之眾浮空
而至 說經三遍

西方無極無量品至真大神無缺之眾浮空
而至 說經四遍

北方無極無量品至真大神無缺之眾浮空

而至 說經五遍

東北無極無量品至真大神無缺之眾浮空
而至 說經六遍

東南無極無量品至真大神無缺之眾浮空
而至 說經七遍

西南無極無量品至真大神無缺之眾浮空而至 說經八遍

西北無極無量品至真大神無缺之眾浮空而至 說經九遍

上方無極無量品至真大神無缺之眾浮空

而至 說經十遍

下方無極無量品至真大神無缺之眾浮空而至

十遍周竟十方無極天真大神一時同至一國男女傾心歸仰來者有如細雨密霧無缺

之眾迻國一半土皆偏陷非可禁止於是

元始懸一寶珠大如黍米在空玄之中去地
五丈元始登引天尊大神上聖高尊妙行真
人十方無極至真大神無鞅數眾俱入寶珠
之中天人仰看惟見勃勃從珠口中入既入
珠口不知所在國人廓散地還平正無復欺
陷

元始即於寶珠之內說經都竟眾真監度以
授於我當此之時喜慶難言法事粗悉諸天
復位倏欻之間寂無遺響是時天人遇值經

法普得濟度全其本年無有中傷傾土歸仰
咸行善心不殺不害不嫉不妬不淫不盜不
貪不欲不憎不妬言無華綺口無惡聲齊同
慈愛異骨成親國安民豐欣樂太平經始出
教一國以道預有志心宗奉禮敬皆得度世

道言元始天尊說經中所言並是諸天上帝
內名隱韻之音亦是魔王內諱百靈之隱名
也非世之常辭上聖已成真人通玄究微能
悉其章誦之十過諸天遙唱萬神設禮河海
靜默山嶽藏雲日月停景璇璣不行羣魔束

形鬼精滅爽迴屍起死白骨成人至學之士
誦之十過則五帝侍衛三界稽首魔精喪眼
鬼妖滅爽濟度垂死絕而得生所以爾者學
士穢氣未消體未洞真召制十方威未制天
政德可伏御地祇束縛魔靈但卻死而已不

能更生輕誦此章身則被殃供養尊禮門戶
興隆世世昌熾與善因緣萬災不干神明護
門斯經尊妙獨步玉京度人無量為萬道之
宗巍巍大梵德難可勝

道言凡誦是經十過諸天齊到億曾萬祖幽

魂苦爽皆即受度上昇朱宮格皆九年受化
更生得為貴人而好學至經功滿德就皆得
神仙飛昇金闕遊宴玉京也上學之士修誦
是經皆即受度飛昇南宮世人受誦則延壽
長年後皆得作屍解之道魂神暫滅不經地

獄即得返形遊行太空此經微妙普度無窮
一切天人莫不受慶無量之福生死蒙惠上
天所寶未傳下世至士齋金寶效心盟天而
傳輕泄漏慢殃及九祖長役鬼官侍經五帝
玉童玉女各二十四人營衛神文保護受經

者身

道言正月長齋誦詠是經為上世亡魂斷地
逮役度上南宮七月長齋誦詠是經身得神
仙諸天書名黃籙白簡削死上生十月長齋
誦詠是經為國王帝主君臣父子安鎮國祚

保天長存世世不絕常為人君安鎮其方民
稱太平八節之日誦詠是經得為九宮真人
本命之日誦詠是經魂神澄正萬炁長存不
經苦惱身有光明三界侍衛五帝司迎萬神
朝禮名書上天功滿德就飛昇上清

太上洞玄靈寶無量度人上品妙經卷上終

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐青黃白三色雲氣之中為外翁冥有青龍白虎朱雀玄武獅子白鶴羅列左右日日照明洞煥室內頂生圓象光映十方如此分明

密咒曰

森羅鬱羅符無蘇陀太衝太極陰陽抱合出入無出生入死鬼神莫測變化自然元始混氣玄中又玄上干有極下洞大淵誦之一過沉痾自痊鍊魂育魄真陽自全齋戒禮誦萬遍飛仙無上秘咒萬福綿綿心中心咒重復宣傳貪羅洞明與道合真玉清太極梵炁氤氲分靈布炁降注附身形神俱妙變化飛昇一如令格統攝萬靈急急如

元始一炁君玄都律令

無上玄元太上道君召出臣身中三五功曹左右香官使者侍香
玉童傳言玉女五帝值符值日香官各三十二人關啟所言今日
吉慶長齋清堂修行至經無量度人臣及甲乙轉經受生願所啟
上徹逕御

無上三十二天元始上帝至尊幾前

畢引氣三十二過東向誦經

志心皈命禮

至真至聖無古無今統五千億之天君佐千
百萬之道炁立混成教本作萬道祖師法相
端嚴現慈悲燦爛元相照明日月演法五明
列真仙空裏談經一粒黍中藏世界大悲大

願大聖大慈虛無自然元始天尊

贊

元始說法會集羣仙寶珠瑩照徹光明萬國
絕浮塵俯聽法音存沒盡沾恩
稱念
度人無量天尊

向來宣經功德上禮

慈尊度人無量下超靈魂托化仙鄉獨賴善
功證無上道一切信禮志心稱念
度人無量天尊不可思意功德

太上洞玄靈寶無量度人上品妙經

勤行奉齋戒

誦經制六情

故得乘空飛

耀景上玉清

精心奉經教

吐納鍊五神

功德冠諸天

轉輪成上仙

度人無量天尊

度人無量道開先

隱韻謠歌演太空

聖祖垂恩傳梵語

皇人按筆紀真言

黍米一粒包天地

玉字五篇列品筌

會得個中著竅妙

靈煙逕陟大羅天

香供養 十回度人天尊

元始天尊說經時 十方世界盡皈依
諸天有炁炁蕩蕩 我道無日日興隆
慈光冥冥照三界 道力重重遍十方
有緣無緣皆得度 總諸功德薦靈儀

道場眾等 人各恭敬

恭對道前 諷經如法

中卷玄蘊咒

玄元始炁分 清華開洞神
靈風回太和 玉音攝流精

至哉本自然

誰識此幽文

堅剛明一悟

倏忽超三乘

寂寂無色根

永劫奚漂沉

胡能精修持

究竟登玉清

太上洞玄靈寶無量度人上品妙經卷中

元始洞玄靈寶本章上品妙首十二度人百
魔隱韻離合自然混沌赤文無無上真元始
祖劫化生諸天開明三景是為天根上無復
祖唯道為身五文開廓普植神靈無文不光
無文不明無文不立無文不成無文不度無

文不生是為大梵天中之天鬱羅蕭臺玉山
上京上極無上大羅玉清渺渺劫仞若亡若
存三華離便大有妙庭金闕玉房森羅淨靈
大行梵炁周迴十方中有度人不死之神中
有南極長生之君中有度世司馬大神中有

好生韓君丈人中有南上司命司錄延壽益
算度厄尊神迴骸起死無量度人今日校錄
諸天臨軒

東方無極飛天神王長生大聖無量度人
南方無極飛天神王長生大聖無量度人

西方無極飛天神王長生大聖無量度人
北方無極飛天神王長生大聖無量度人
東北無極飛天神王長生大聖無量度人
東南無極飛天神王長生大聖無量度人
西南無極飛天神王長生大聖無量度人

西北無極飛天神王長生大聖無量度人
上方無極飛天神王長生大聖無量度人
下方無極飛天神王長生大聖無量度人
十方至真飛天神王長生大聖無量大神
並乘飛雲丹輿綠輦羽蓋瓊輪驂駕朱鳳五

色玄龍建九色之節十絕靈幡前嘯九鳳齊
唱後吹八鸞同鳴獅子白鶴嘯歌邕邕五老
啟途羣仙翼轅億乘萬騎浮空而來傾光迴
駕監真度生諸天丞相南昌上宮韓司主錄
監生大神執籙把籍齊到帝前隨所應度嚴

校諸天普告三界無極神鄉泉曲之府北都
羅酆三官九署十二河源上解祖考億劫種
親疾除罪簿落滅惡根不得拘留逼合鬼羣
元始符命時刻昇遷北都寒池部衛形魂制
魔保舉度品南宮死魂受鍊仙化成人身

受度劫劫長存隨劫能轉與天齊年永度三
途五苦八難超凌三界逍遙上清上清之天
天帝玉真無色之境梵行

東方八天

太皇黃曾天

帝鬱繼玉明

太明玉完天

帝須阿那田

清明河童天

帝元育齊京

玄胎平育天

帝劉度內鮮

元明文舉天

帝醜法輪

上明七曜摩夷天

帝恬懽延

虛無越衡天

帝正定光

太極濛翳天

帝曲育九昌

南方八天

赤明和陽天

帝理禁上真

玄明恭華天

帝空謠醜音

耀明宗飄天

帝重光明

竺落皇笏天

帝摩夷妙辯

虛明堂曜天

帝阿加婁生

觀明端靖天

帝鬱密羅千

玄明恭慶天

帝龍羅菩提

太煥極瑤天

帝宛黎無延

西方八天

元載孔昇天

帝開真定光

太安皇崖天

帝婁婁阿貪

顯定極風天

帝招真童

始皇孝芒天

帝薩羅婁王

太皇翁重浮容天

帝閔巴狂

無思江由天

帝明梵光

上揲阮樂天

帝勃勃監

無極曇誓天

帝飄弩穹隆

北方八天

皓庭霄度天

帝慧覺昏

淵通元洞天

帝梵行觀生

太文翰寵妙成天

帝那育醜瑛

太素秀樂禁上天

帝龍羅覺長

太虛無上常容天

帝總監鬼神

太虛玉隆騰勝天

帝眇眇行元

龍變梵度天

帝運上玄玄

太極平育賈弈天

帝大擇法門

三十二天三十二地諸天隱諱諸天隱名天

中空洞自然靈章諸天隱韻天中之音天中
之尊天中之神天中大魔王天中之靈九和十
合變化上清無量之奧深不可詳敷落神真
普度天人今日欣慶受度歷關諸天請滅三
惡斬絕地根飛度五戶名列太玄魔王監舉

無拘天門東斗主算西斗記名北斗落死南
斗上生中斗大魁總監眾靈青帝護魂白帝
侍魄赤帝養氣黑帝通血黃帝中主萬神無
越青天魔王巴元醜伯赤天魔王負天擔石
白天魔王反山六目黑天魔王監醜朗馥黃

天魔王負天擔力五帝大魔萬神之宗飛行
鼓從總領鬼兵麾幢鼓節遊觀太空自號赫
奕諸天齊功上天度人嚴攝北豐神公受命
普掃不祥八威吐毒猛馬四張天丁前驅大
帥仗幡擲火萬里流鈴八衝敢有干試拒遏

上真金鉞前戮巨天後刑屠割鬼爽風火無
停千千截首萬萬剪形魔無干犯鬼無祆精
三官北豐明檢鬼營不得容隱金馬驛程普
告無窮萬神咸聽三界五帝列言上清
太上洞玄靈寶無量度人上品妙經卷中終

志心皈命禮

強名曰道尊以為君居上清七寶之玄臺為
三洞九真之聖主演說三乘教鴻開眾妙門
度聖成真為上下之梯級安民保國超劫運
之始終大悲大願大聖大慈玉宸道君靈寶

天尊 贊

元始大道金口宣揚度人會上步方蓮房隨
處現青黃萬範開張幽暗盡沾光 稱念

十方度人天尊

太上元始無量度人上品妙經卷中終

太上元始無量度人上品妙經

主經師起步虛

旋行躡雲綱

乘虛步玄紀

吟詠帝一尊

百關自調理

俯命八海童

仰攜高仙子

諸天散香花

蕭然靈風起

獅子說法天尊

玉書金簡度人經

流出慈尊廣大心

梵炁結成無極界

香風飄範自然音

九幽破戒冰消潔

八極飛香月滿襟

稽首無鞅齊接引 神光一道照重陰

香供養 超凌仙界天尊

道言元始說經初 懸座浮空黍米珠
妙行真人開寶笈 無鞅數眾擁丹輿
諸天上帝同稱善 五老天君為啟途

惟願大慈無礙力 超入仙源轉帝鄉

道場眾等 人各恭敬

恭對道前 諷經如法

下卷玄蘊咒

大道雖無心 可以有情求

佇駕空洞中

回盼翳滄流

淨明三界外

蕭蕭玉京遊

自無玄挺運

誰能悟冥陬

落落天漢澄

俯仰即虛柔

七玄散幽夜

反胎順沉浮

冥期苟潛凝

陽九無虞憂

親此去來會

時複為淹留

外身而身存

真仙會良儔

太上洞玄靈寶無量度人上品妙經卷下

元洞玉歷龍漢延康眇眇億劫渾沌之中上

無復色下無復淵風澤洞虛金剛乘天天上
天下無幽無冥無形無影無極無窮溟滓大
梵寥廓無光赤明開圖運度自然元始安鎮
敷落五篇赤書玉字八威龍文保制劫運使
天長存梵炁彌羅萬範開張元綱流演三十

二天輪轉無色周迴十方旋斗厯箕回度五
常三十五分總炁上元八景冥合炁入玄玄
玄中太皇上帝高真汎景太霞嘯詠洞章金
真朗郁流響雲營玉音攝炁靈風聚烟紫虛
鬱秀輔翼萬仙千和萬合自然成真真中有

神長生大君無英公子白元尊神太乙司命
桃康合延執符把籙保命生根上游上清出
入華房入冥之內細微之中下鎮人身泥丸
絳宮中理五炁混合百神十轉回靈萬炁齊
仙仙道貴生無量度人上開八門飛天法輪
罪福禁戒宿命因緣普受開度死魂生身身
得受生上聞諸天諸天之上各有生門中有
空洞謠歌之章魔王靈篇辭參高真

第一欲戒飛空之音

人道眇眇仙道莽莽鬼道樂兮當人生門仙

道貴生鬼道貴終仙道常自古鬼道常自凶
高上清靈爽悲歌朗太空唯願仙道成不欲
人道窮北都泉曲府中有萬鬼羣但欲遏人
算斷絕人命門阿人歌洞章以攝北羅酆束
誦妖魔精斬馘六鬼鋒諸天炁蕩蕩我道日

興隆

第二色戒魔王之章

落落高章明炁四騫梵行諸天周迴十方無
量大神皆由我身我有洞章萬遍成仙仙道
貴度鬼道相連天地渺莽穢氣氛氛三界樂

兮過之長存身度我界體入自然此時樂兮
薄由我恩龍漢蕩蕩何能別真我界難度故
作洞文變化飛空以試爾身成敗懈怠度者
幾人笑爾不度故為歌音

第三無色界魔王歌曰

三界之上眇眇大羅上無色根雲層峩峩唯
有元始浩劫之家部制我界統乘玄都有過
我界身入玉虛我位上王匡御眾魔空中萬
變穢氣紛葩保真者少迷惑者多仙道難固
鬼道易邪人道者心諒不由他仙道貴實人

道貴華爾不樂仙道三界那得過其欲轉五
道我當復奈何

此三界之上飛空之中魔王歌音音參洞章
誦之百遍名度南宮誦之千遍魔王保迎萬
遍道備飛昇太空過度三界位登仙公有聞

靈音魔王敬形勅制地祇侍衛宋迎拔出地
戶五苦八難七祖昇遷永離鬼官魂度朱陵
受鍊更生是謂無量普度無窮有秘上天文
諸天共所崇泄慢墮地獄禍及七祖翁

道言此二章並是諸天上帝及至靈魔王隱

秘之音皆是大梵之言非世上常辭言無韻
麗曲無華宛故謂玄奧難可尋詳上天所寶
秘於玄都紫微上宮依玄科四萬劫一傳若
有至人齋金寶質心依舊格告盟十天然後
而付焉

道言夫天地運度亦有否終日月五星亦有
虧盈至聖神人亦有休否末學之夫亦有疾
傷凡有此災同氣皆當齊心修齋六時行香
十遍轉經福德立降消諸不祥無量之文普
度無窮

道言夫末學道淺或仙品未充運應滅度身
經太陰臨過之時同學至人為其行香誦經
十遍以度尸形如法魂神逕上南宮隨其學
功計日而得更生轉輪不滅便得神仙

道言夫天地運終亦當修齋行香誦經星宿

錯度日月失昏亦當修齋行香誦經四時失
度陰陽不調亦當修齋行香誦經國主有災
兵革四興亦當修齋行香誦經疫毒流行兆
民死傷亦當修齋行香誦經師友命過亦當
修齋行香誦經

夫齋戒誦經功德甚重上消天災保鎮帝王
下攘毒害以度兆民生死受賴其福難勝故
曰無量普度天人

道言凡有是經能為天地帝主兆民行是功
德有災之日發心修齋燒香誦經十過皆諸

天記名萬神侍衛右別至人剋得為聖君金
闕之臣諸天記人功過毫分不失天中魔王
亦保舉爾身得道者乃當洞明至言也

諸天中大梵隱語無量音

元始靈書上篇

東方八天

廣生高應 覺元洞虛 應元九真

化交肇圖 文靈運構 宗範玄都

感變總括 威招自成 緣岑遷景

皇道含明 天林耀權 炁晶育魂

融羅負立 圓英隱旻 期巨神色

洪綱告寧

南方八天

章炎通泛 堅敷澄宗 虛象玄華

龍陽儻穹 微正霄豔 淵太凝冲

玄關三紐 大梵飛空 隱覺龍益
天倫慶呈 神戶纏絡 真元散精
淨握冥照 徊合昇遷 導騫宴雲
靈應騰天

西方八天

剛澤微控 陰峻孤儀 貫炁明素
宸洞開微 周化幽應 澄輝帝臺
平遐挹虛 恢茂童池 結飈臨育
麗無散開 陽通百六 沉芒隱階
幽廓冥默 真峯會靈 堅丕順道

告命騫林

北方八天

龍安洞變 純陽隱玄 方本還炁
象伏高員 神變惠允 解鍊靈根
赤精純道 成號威尊 利雲友常

億仞中邱

鬱成瓊壘

謠音慶流

受位玉室

大憲通幽

玄章煥落

綱輪迺周

中央

幽玄還門

荷薩作生

招非化久

法育詎冀 農頃赤阜 由旬一潤
雲合浮沱 中曲普明 貴虛四光
功篤留胃 華覺填宥 祭為昭達
光天圖晶 貢冷寬從 郁充沙曇
吝敷肅令 渠澄太冥 絳罽四迷

北走億遊 曷愚羅龍 各齋以散
洛采於都 審此玄賴 完可六魔

龍章鳳炁大梵之文

皆諸天隱諱隱名出
於道藏度人經法

東方八天亢集六七卷內

觀覺鬱縊

大明紫靈

九神度魂

開闢玉真

阿奕煒燁

飛天流音

輪景帝常

都靈頤臻

豁落大宥

慶雲啟靈

七耀輝魔

恬懣敷榮

虛無上首

天啟彌宸

四吁育象

濯曜騰精

南方八天

煥赫洞陽

浮景玉光

七靈謠歌

世元紫堂

羅英散景

曜明玉房

八景總獸

韶玉攝精

九都騫鬱

飛生上靈

密羅淨境

馥育空輪

灌沃黃華

靈運玄明

神宮開廓

延宛丹庭

西方八天

大猷浮景

真定化元

蜺宛素眇

玉梁澄煙

蕭峙結嶠

景羅七纏

秀盤三府

流輝九玄

寂然虛邈

飛華拂輶

晨濫錄籍

太漠由延

阿邱九度

六龍僂輶

翦藹浮羅

紫精馥淵

北方八天

溟滓太有

九機化乾

覆形厚德

元河淪精

育英明陀

景晨眇雲

大隗總監

秀羅禁天

紫虛陀邱

劫量交前

碧霞韻梵

眇眇遊元

六變運量

馘絕惡愆

恢寂玄漠

萬度成仙

大梵隱語無量洞章 道君撰

元始靈書中篇

東方八天

宣樓阿薈 無愁觀音 須延明首
法攬菩曇 稼那阿奕 忽訶流吟
華都曲麗 鮮菩育臻 答落大梵
散煙慶雲 飛灑玉都 明魔上門
無行上首 回蹠流玄 阿陀龍羅

四象吁員

南方八天

南燭洞浮 玉眸詵詵 梵形落空
九靈推前 澤洛菩臺 綠羅大千
眇莽九醜 韶謠緣邐 雲上九都

飛生自騫 那育郁馥 摩羅法輪
靈持無鏡 攬姿運容 馥朗廓奕
神纓自宮

西方八天

刀利禪猷 婆泥咎通 宛藪滌色

太眇之堂 流羅梵萌 景蔚簫嶠
易邈無寂 宛首少都 阿鑑郁竺
華莫延由 九開自辯 阿那品首
無量扶蓋 扶羅合神 玉誕長桑
柏空度仙

北方八天

獲無自育 九日導乾 坤母東覆
形攝上玄 陀羅育邈 眇炁合雲
飛天大醜 總監上天 沙陀劫量
龍漢瑛鮮 碧落浮黎 空歌保珍

惡奕無品 洞妙自真 元梵恢漠
幽寂度人

道言此諸天中大梵隱語無量之音舊文字
皆廣長一丈天真皇人昔書其文以為正音
有知其音能齋而誦之者諸天皆遣飛天神

王下觀其身書其功勲上奏諸天萬神朝禮
地祇侍門大勲魔王保舉上仙道備剋得遊
行三界昇入金門

此音無所不辟無所不襁無所不度無所不
成天真自然之音也故誦之致飛天下觀上

帝謠唱萬神朝禮三界侍軒羣妖束首鬼精
自亡琳琅振響十方肅清河海靜默山嶽吞
煙萬靈振伏招集羣仙天無氛穢地無妖塵
冥慧洞清大量玄玄也

元始靈書下篇 天真皇人撰

東方八天

森角儲雲 九魂鍊精 枳默現玦

浮枚臼跡 鹿幾陽房 碧提玦回

池溟黨負 跂迨謁携 澡章變琿

蘭泮壁環 亢滂野生 極中昆清

曜展洞涸 寂無眇凝 素倚虛羅

皇達元靈

南方八天

炎鍍綽堂 太霄瑤隅 厯遐薦漪

周扃加圖 披嶢蹊矐 觚亶渾都

戢芸茶炫 井欺持蒲 掌維迮儀
奕泐琅璫 扁縷益但 幽微畢雷
涓湟寔東 赤曜叢稽 玉玄演候
柏璫至規

西方八天

鎬正左適 婆泥殺靈 悲招均疆
洎南纏魁 靜夷損光 混元覺緣
道守芴遙 綿徵知宣 太靈烟漠
曷和盧隨 哲京常華 墟咸堅沙
栗鐸黜株 會衍球裴 卓雲青府

業觀般基

北方八天

注孩蒙甘 翠宇九闌 蕭鈞漣興
龍汾神關 構淪沉魔 豁蠻祈通
玄寥亢息 無知肆明 蟒修吉夕

馥壇時畎 湯長敷昌 匪庸謹濟
朝康聖寬 秘法侈宣 廣帝理生
衛肇宏人

天真皇人梵炁玄遼天寶自然八合之音主
治世會地壘洪澤變災厄難誦詠之者禳辟

妖姪清靜道炁無不盜也

地官奉書百靈敬畏神朱寫文服佩明驗施
之於至學不宣於下俗也

太極真人頌曰

神雲煥層虛 梵羅屯碧霄 元始九龍駕

皇人按青輶 靈光集萬真 珠景開陽寥
出示靈寶篇 福德由是招 洞玄隱高嚴
玉音泛雲璈 無量匪德思 道海生波濤
法義同涓流 滋植成嘉苗 用以振饑窮
教興衛中朝 帝尊壽億年 太平滅兵刀

稽首望玉晨

靈華散金毫

太上洞玄靈寶無量度人上品妙經卷下終

志心皈命禮

無極變化冥寂圓通為教父於太清佐醫王
於三界生成萬類總領羣生起死迴骸而沾

恩離苦飛符走篆而滅跡邪魔顯蜀都於青
牛度函谷於紫炁還淳返樸談道德五千言
校罪定功為洞神十二部大悲大願大聖大
慈太上老君道德天尊

度人寶誥 志心皈命禮

四八天連四八地九重雲擁九重天朝
元始於黍米宮中演本章於大浮黎土六首
五根分造化九合十合表陰陽有情賴善無
量度人大悲大願大聖大慈三十二天上帝
度人無量天尊

誦經周畢

祝願存神

叩齒三十六通咽液三十
六過東向拜跪瞑目諸雲

臣○謹誦

金書玉篆

○遍已周

乞發龍駢

天神下降

役吏六丁

七祖飛昇

我騰上清

閉目咽液十過叩齒九通面北再拜跪祝曰

上皇太真

使我昇靈

清齋操鍊

誦詠金書

七祖超度

上朝玉虛

延年長存

刻名錄書

右前咒畢閉目叩齒九通又咽液十過上言

臣○誦經已訖向來所出臣身中三五功曹

左右香官使者侍香玉童傳言玉女五帝值
符值日香官各三十二人仍還金房玉室無
令差互後召復到一如故事

上香跪拜祝曰回向畢

向來監經聖眾解壇散席各復所司神風靜

默山海肅清千邪伏匿百靈復形稽首皈依
太上無極大道
三十六部尊經
玄中大法真師
十方度人天尊

無量經中真仙聖眾不可思議功德 贊

十方三界飛天神王魔王監舉上天堂幽冥
盡沾恩拔出重陰飛升於太清 稱念
十迴度人天尊

印經說法功德品

前言：講經說法和印經送人。助印道經者。可以得到下列福報：
敬神 每逢朔望。祖師聖誕。三元五臘。持誦道經。是諸神靈。得聞是經。登證仙道。保佑是人。

祈禱 經云：若有三界十方。無量國土。或兵戈並起。疫氣流行。水旱蟲蝗。凶災饑饉。虔誦此經。當得國土清平。五穀豐登。黎庶安泰。

求壽 經云：世間若有人民。求壽者。虔誦此經。即得南斗增福壽。北斗賜長年。祈病 經云：若人被諸惡星。之所照臨。困苦床枕。虔誦此經。是諸惡星。悉自

消散。返降吉祥。即得痊癒。

求嗣 經云：若人為求嗣息。虔誦此經。帝敕天曹。明檢丹籍。九品之內。四果仙人。降謫下生。為其作子。才辯明慧。人中尊貴。

牢獄 經云：若在牢獄枷鎖之中。靜心定慮。存念是經。冤枉自伸。即得解脫。解冤 經云：若人自從往劫。乃至今身。輪轉人天。漂沈世域。積千愆萬過。在於已身。虔誦此經。是人罪障。永得除滅。即得安泰。

追薦 經云：若人命過。應入陰曹。注名黑籍。當為亡人。持誦此經。即得亡者。鬼籍盡除。神生淨土。咸蒙濟度。超生天界。

